

ԿՐԹՈՒԹՅՈՒՆ ՋԱՐԳԱՑՄԱՆ ԵՎ  
ՆՈՐԱՐԱՐՈՒԹՅՈՒՆՆԵՐԻ ԱԶԳԱՅԻՆ  
ԿԵՆՏՐՈՆ

«ՀԱՅ ԳՐԱԿԱՆՈՒԹՅՈՒՆ 10»

ԴԱՍԻ ՊԼԱՆՆԵՐ

ՈՒՍՈՒՄՆԱԿԱՆ ՆՅՈՒԹԵՐ և ԱՌԱՋԱԴՐԱՆՔՆԵՐ

Հեղինակ՝ Լիլիթ Գրիգորյան

2021 թ.

## Հայ գրականություն 10-րդ դասարան

Դասի թեման՝ Կորյունի «Վարք Մաշտոցի» երկը, գրերի գյուտը  
Տևողությունը՝ 2 դասաժամ  
Դասի նպատակը՝  
Կվերհիշի՝

- . Կորյունի «Վարք Մաշտոցի» երկի բովանդակությունը,
- . Մեսրոպ Մաշտոցի կյանքը և ծավալած գործունեությունը,
- . գրերի գյուտի ստեղծման նախապայմանները:

Կկարողանա՝

- . Կորյունի երկի հիման վրա ներկայացնել Մաշտոցի կյանքը,
- . թվարկել գրերի գյուտի ստեղծման նախապայմանները,
- . ներկայացնել և վերլուծել պատմական իրադարձությունները և Մաշտոցի գործունեության նպատակակետը,
- . պատմության համատեքստում վերլուծել գրերի գյուտը,
- . արժևորել գրերի գյուտը՝ ազգային մշակութային արժեքների պահպանման և հետագա զարգացման կարևոր պայման:

Անհրաժեշտ նյութեր, տեխնիկական միջոցներ՝ համակարգիչ, Ա4 չափսի թուղթ, ուսումնական նյութ:

Ուսուցման մեթոդներ՝ «Խթանող հարցեր», «ՓԳՀ /փոխներգործուն գրառումներ», «Մտածի՛ր, գույզվի՛ր, քննարկի՛ր», ԽԻԿ համակարգ:

Դասի ընթացքը՝

Խթանում

Պարզել նյութի վերաբերյալ սովորողի ունեցած գիտելիքները «Խթանող հարցեր» մեթոդով:  
ա/ Ի՞նչ կապ կա Կորյունի և Մեսրոպ Մաշտոցի միջև:

բ/ Ո՞վ է եղել Կորյունը և ինչն՞վ է զբաղվել:

գ/ Որո՞նք էին գրերի գյուտի ստեղծման նախապայմանները:

դ/ Ի՞նչ է նշանակում վարք:

ե/ Ինչպիսի՞ կառուցվածք ունի Կորյունի «Վարք Մաշտոցի» երկը:

## Իմաստի ընկալում

Սովորողներին հանձնարարել ընթերցել այս թեմային վերաբերող նյութը, որը ընդգրկված է 10-րդ դասարանի դասագրքում:

Ահա հղումը՝ <https://fliphtml5.com/fumf/qafu>, էջ 13-17:

Ընթերցելուց հետո սովորողներին հանձնարարել լրացնել ՓԳՀ /փոխներգործուն գրառումների համակարգ/

Գիտեմ	Չգիտեմ	Իմացածին հակասում է	Անհասկանալի է	Հետաքրքիր է, կարելի է քննարկել
V	+	—	?	

Այս մեթոդը կօգնի սովորողներին վերահսկել սեփական ընկալումը՝ ի հայտ բերելով հաստատված կամ հերքված պատկերացումները: Աշխատանքն ավարտելուց հետո, եթե կան «անհասկանալի է, հետաքրքիր է, կարելի է քննարկել» գրառումներ, ապա պետք է պարզաբանվեն՝ թեմայի ընկալումը լիարժեք դարձնելու նպատակով:

## Կշռադատում

Ընթերցած նյութի շուրջ կազմակերպել գույգերով կամ խմբերով մտքերի փոխանակում, նյութի քննարկում կամ բանավեճ:

Դասի ավարտին իրականացնել **փոխադարձ** գնահատում:

## Տնային աշխատանք:

. Գտնել և ներկայացնել այբուբենին վերաբերող հետաքրքիր նյութեր՝ ֆիլմ, երաժշտական ստեղծագործություն: Օրինակ՝ Հայոց այբուբենը պարի լեզվով՝

<https://www.youtube.com/watch?v=3igz-YkepAY>

. Պատրաստել սահիկաշար՝ ներկայացնելով պատմական ժամանակաշրջանը և Մաշտոցի գործունեության նպատակակետը, Այբուբենի թվային արժեքը:

. Գրել վերլուծական շարադրանք՝ հիմնավորելով կարծիքդ «Մաշտոցից առաջ գրեր եղել են» թեմայով:

### **Անդրադարձ**

- . Ի՞նչ թեմայի շուրջ խոսեցինք:
- . Ի՞նչ նոր բան իմացաք:
- . Ո՞ր հարցի շուրջ կցանկանայիք քննարկում կատարել:
- . Ի՞նչը ձեզ մոտ վատ ստացվեց, որ կարծում եք ավելի լավ կարող էիք անել:

### **Դասի թեման՝ Հայ պատմագրություն: 5-րդ դարի պատմիչներ**

#### **Տողությունը՝ 2 դասաժամ**

#### **Կվերհիշի՝**

- . գրական ինչ տեսակներով է ձևավորվել հայագիր գրականությունը,
- . ինչ է թարգմանական գրականությունը,
- . պատմիչների կյանքի և գործունեության հիմնական դրվագները,
- . պատմիչների գրած աշխատությունների բովանդակությունը:

#### **Կկարողանա՝**

- . թվարկել հայագիր գրականության ձևավորման տեսակները,
- . ներկայացնել Ոսկեդարի ընդհանուր բնութագիրը,
- . ներկայացնել պատմիչների կենսագրությունները և գործունեությունները՝ ըստ փաստերի և հուշագրության,
- . մեկնաբանել աշխատությունների մեջ հեղինակների արձարձած խնդիրները,
- . բացատրել՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին,
- . վերլուծել գրողի կիրառած ոճական միջոցների ազդեցությունը ընթերցողի զգացմունքների վրա,
- . վերլուծել հայ ինքնուրույն գրականության ձևավորման ժամանակաշրջանը,

. արժևորել հայ գրականության իմացությունը որպես ազգային մշակութային արժեքների գնահատման կարևոր պայման:


**Անհրաժեշտ նյութեր, տեխնիկական միջոցներ՝** համակարգիչ, Ա4 չափսի թուղթ, ուսումնական նյութ:

**Ուսուցման մեթոդներ՝** «Մտագրոհ», «Մտածի՛ր, գույգվի՛ր, քննարկի՛ր», ԽԻԿ համակարգ:

## Դասի ընթացքը՝

### Խթանում

Պարզել նյութի վերաբերյալ սովորողի ունեցած գիտելիքները «Մտագրոհ» մեթոդի միջոցով: Ուսուցիչը գրատախտակին գրում է **ոսկեդար** բառը: Սովորողները սկսում են վերհիշել և թվարկել **ոսկեդար** բառի հետ առնչվող բոլոր հասկացությունները, բառերը: Ուսուցիչը բոլոր մտքերը գրում է գրատախտակին: Այնուհետև սովորողներին հանձնարարվում է իրենց իսկ թվարկած բառերով սահմանել՝ **ինչու՞ է 5-րդ դարը կոչվում ոսկեդար:**



### Իմաստի ընկալում

Այս փուլում դասարանը բաժանել 5 խմբի և հանձնարարել ընթերցել դասագրքի նյութը հատվածներով՝

**Առաջին խումբ՝** «Ոսկեդար, մատենագրություն» հատվածը:

**Երկրորդ խումբ՝** « Ագաթանգեղոս» հատվածը:

**Երրորդ խումբ՝** «Փավստոս Բուզանդ» հատվածը:

**Չորրորդ խումբ՝** «Եղիշե» հաստվածը:

**Հինգերորդ խումբ՝** «Ղազար Փարպեցի» հաստվածը:

Ահա դասագրքի հղումը՝ <https://fliphtml5.com/fumf/qafu>, էջ 18-26:

Հաստվածները ընթերցելու ժամանակ սովորողներին հանձնարարվում է կիրառել «Մտածի՛ր, գույզվի՛ր, քննարկի՛ր» վարժությունը, որն օգնում է մտածել, կշռադատել կարդացած նյութը, վերհիշել նախորդ դասարանում այդ թեմայից անցածը և ընկերների օգնությամբ հստակեցնել, ձևակերպել մտքերը:

### **Կշռադատման փուլ**

Այս փուլում յուրաքանչյուր խումբ ներկայացնում է իր աշխատանքը:

**Առաջին խումբ՝** թվարկում են հայագիր գրականության ձևավորման տեսակները, ներկայացնում են Ոսկեդարի ընդհանուր բնութագիրը:

**Երկրորդ խումբ՝** ներկայացնում է Ագաթանգեղոսի կենսագրությունը և գործունեությունը՝ ըստ փաստերի և հուշագրության, մեկնաբանում աշխատության մեջ հեղինակի արձարձած խնդիրները, բացատրում է՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին:

**Երրորդ խումբ՝** ներկայացնում է Փավստոս Բուզանդի կենսագրությունը և գործունեությունը ըստ փաստերի և հուշագրության, մեկնաբանում աշխատության մեջ հեղինակի արձարձած խնդիրները, բացատրում է՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին:

**Չորրորդ խումբ՝** ներկայացնում է Եղիշեի կենսագրությունը և գործունեությունը ըստ փաստերի և հուշագրության, մեկնաբանում աշխատության մեջ հեղինակի արձարձած խնդիրները, բացատրում է՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին:

**Հինգերորդ խումբ՝** ներկայացնում է Ղազար Փարպեցու կենսագրությունը և գործունեությունը ըստ փաստերի և հուշագրության, մեկնաբանում աշխատության մեջ

հեղինակի արձարձած խնդիրները, բացատրում է՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին:

Դասի ավարտին կատարվում է փոխադարձ գնահատում:

### **Տնային աշխատանք:**

. Վերլուծել գրողի կիրառած ոճական միջոցների ազդեցությունը ընթերցողի զգացմունքների վրա:

. Գտնել և ներկայացնել որ ստեղծագործությունների համար են աղբյուր դարձել պատմիչների երկերը:

. Գտնել և ներկայացնել արվեստի այն կտավները որոնցում ներկայացված են պատմիչների երկերից հատվածներ:

### **Անդրադարձ**

. Ի՞նչ թեմայի շուրջ խոսեցինք:

. Ի՞նչ նոր բան իմացաք:

. Ի՞նչը կարևորեցիք և արժևորեցիք:

**Դասի թեման՝ Մովսես Խորենացու կյանքը, ապրած ժամանակաշրջանը, «Հայոց պատմություն» երկի ընդհանուր բնութագիրը**

**Տևողությունը՝ 1 դասաժամ**

**Կվերհիշի՝**

- . Մովսես Խորենացու կյանքի և գործունեության հիմնական դրվագները,
- . ապրած ժամանակաշրջանը և այդտեղ ներկայացված խնդիրները,
- . «Հայոց պատմություն» երկի կառուցվածքը, առանձնահատկությունը,
- . բովանդակության մեջ արձարծված խնդիրները:

**Կկարողանա՝**

- . ներկայացնել Մովսես Խորենացու կենսագրությունը և գործունեությունը՝ ըստ փաստերի և հուշագրության,
- . կազմել գրողի գրական դիմանկարը՝ ըստ կենսագրական տեղեկությունների և ժամանակակիցների հուշերի,
- . ներկայացնել աշխատության կառուցվածքը, բովանդակությունը,
- . մեկնաբանել աշխատության մեջ հեղինակի արձարծած խնդիրները,
- . բացատրել՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին,
- . համեմատել կերպարներին, նրանց վարքագիծը,
- . վերլուծել գրողի կիրառած ոճական միջոցների ազդեցությունը ընթերցողի զգացմունքների վրա,
- . արժևորել Մովսես Խորենացու կատարած դերը ազգային մշակութային արժեքների պահպանման գործում:

**Անհրաժեշտ նյութեր, տեխնիկական միջոցներ՝** համակարգիչ, Ա4 չափսի թուղթ, ուսումնական նյութ:


**Ուսուցման մեթոդներ՝** «Բազմանիստ», «ԳՈՒՄ», ԽԻԿ համակարգ:

**Դասի ընթացքը՝**

**Խթանում**



Ուսուցիչը «Բազմանիստ» է կառուցում *Խորենացի* մեկնաբառով. բազմանիստի/ պրիզմայի/ բովանդակությունը պայմանավորված է նրանով, թե ինչ բառեր, գաղափարներ կհայտնեն սովորողները: Վերջիններս ուսուցչի պահանջով սկսում է թվարկել այն բառերն ու արտահայտությունները, որոնք առնչվում են Խորենացի բառի կամ անվան հետ: Սովորողներին տրվում է երեք բուլետ ժամանակ, որպեսզի նրանք կազմեն մեկ նախադասություն՝ իրար կապելով պրիզմայի մեկնաբառը և վերջնաբառը:



«Բազմանիստ» -ի ծավալը կախված է բառի հետ առնչվող բառերի քանակից:

**Իմաստի ընկալում**

«Հայոց պատմության» գիտական, պատմական, գեղարվեստական արժեքների ուսումնասիրությունն ավագ դպրոցում, հայ գրականության դասընթացի շրջանակներում պահանջում է լուրջ և համակողմանի մոտեցում:

Պատմահոր և «Հայոց պատմություն» երկի մասին որոշակի տեղեկություններ աշակերտներն արդեն ստացել են: Այժմ այդ գիտելիքները պետք է խորացվեն և ամբողջական տեսք ստանան հեղինակի կենսագրության և ստեղծագործության համակողմանի ուսումնասիրության միջոցով:

Հաշվի առնելով, որ սովորողներն արդեն որոշակի գիտելիքներ ունեն դասավանդվող նյութի վերաբերյալ, ուսուցիչը դասարանը կբաժանի խմբերի և կհանձնարարի կարդալ դասագրքի նյութը՝ կազմել ԳՈՒՍ աղյուսակ/ ԳՈՒՍ հապավում է, որ նշանակում է Գիտեմ-Ուզում եմ իմանալ- Սովորեցի/: Այս աղյուսակի շնորհիվ նախևառաջ ի մի կբերվեն սովորողի նախնական գիտելիքները/ ի՞նչ գիտենք/, կհստակեցվեն անելիքները/ ի՞նչ ենք ուզում իմանալ/, իսկ թեմայի ուսուցման ավարտին, կամփոփվեն արդեն ստացված նոր գիտելիքները/ ի՞նչ սովորեցինք/:

<b>Գիտեմ</b>	<b>Ուզում եմ իմանալ</b>	<b>Սովորեցի</b>
--------------	-------------------------	-----------------

Ահա դասագրքի հղումը՝ <https://fliphtml5.com/fumf/qafu>, էջ 26-35:

**Կշռադատման փուլ**

Այս փուլում յուրաքանչյուր խումբ ներկայացնում է թեմայի շուրջ իր աշխատանքը՝ զուգահեռներ անցկացնելով այսօրվա իրականության հետ, հիմնավորելով իր տեսակետը օրինակ- ներով: Կատարվում է քննարկում կարծիքների փոխանակում:

Դասի ավարտին կատարել փոխադարձ գնահատում:

**Տնային աշխատանք:**

- . Կարդալ բնագիրը և դուրս գրել այն հատվածները, որտեղ ներկայացվում է գրողի ապրած ժամանակաշրջանը:
- . Ապացուցել աշխատության արդիականությունը՝ բերելով օրինակներ:
- . Օգտվելով բնագրերից՝ համեմատել ինչպես են գրերի գյուտը նկարագրում Կորյունը և Մովսես Խորենացին:
- . Օգտվելով բնագրերից՝ համեմատել ինչպես են նկարագրում գրերի գյուտից հետո սկսված թարգմանակն լուսավորական աշխատանքները Կորյունը և Մովսես Խորենացին:

. Օրինակներով ներկայացնել Խորենացու լեզվի և ոճի առանձնահատկությունները:

### **Անդրադարձ**

. Ի՞նչ թեմայի շուրջ խոսեցինք:

. Ի՞նչ նոր բան իմացաք:

. Ինչը կարևորեցիք:

**Դասի թեման՝ Մովսես Խորենացի, Առասպելներ**

**Տևողությունը՝ 1 դասաժամ**

**Դասի նպատակը՝**

**Կվերհիշի՝**

- . ինչ է առասպելը՝ որպես գրական տեսակ,
- . առասպելների բովանդակությունը:

**Կկարողանա՝**

- . վերաշարադրել առասպելների բովանդակությունը,
- . ցույց տալ առասպելներում առկա կոնֆլիկտները և հեղինակի առաջարկած լուծումները,
- . բացատրել՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին,
- . համեմատել կերպարներին, նրանց վարքագիծը,
- . վերլուծել գրողի կիրառած ոճական միջոցների ազդեցությունը ընթերցողի զացմունքների վրա,
- . արժևորել հեղինակի կատարած դերը ազգային մշակութային արժեքների պահպանման գործում:

**Անհրաժեշտ նյութեր, տեխնիկական միջոցներ՝** համակարգիչ, Ա4 չափսի թուղթ, ուսումնական նյութ:


**Ուսուցման մեթոդներ՝** «Մտագրոհ», «Մտածի՛ր, գույգվի՛ր, քննարկի՛ր», «Վենի դիագրամ» «Եռաթև աղյուսակ»:

**Դասի ընթացք**

**Խթանում**

Պարզել նյութի վերաբերյալ սովորողի ունեցած գիտելիքները «Մտագրոհ» մեթոդի միջոցով: Ուսուցիչը գրատախտակին գրում է **առասպել** բառը: Սովորողները սկսում են վերհիշել և թվարկել **առասպել** բառի հետ առնչվող բոլոր հասկացությունները, բառերը: Ուսուցիչը բոլոր

մտքերը գրում է գրատախտակին: Այնուհետև սովորողներին հանձնարարվում է իրենց իսկ թվարկած բառերով սահմանել՝ **առասպելը**:



### **Իմաստի ընկալում**

Այս փուլում դասարանը բաժանել 5 խմբի և հանձնարարել ընթերցել դասագրքի նյութը հատվածներով՝

**Առաջին խումբ**՝ «Հայկ և Բել» առասպելը:

**Երկրորդ խումբ**՝ «Արա Գեղցիկ և Շամիրամ» առասպելը:

**Երրորդ խումբ**՝ «Տիգրան և Աժդահակ» առասպելը:

**Չորրորդ խումբ**՝ «Արտաշես և Արտավազդ» առասպելը:

**Հինգերորդ խումբ**՝ «Վահագնի ծնունդը»:

Ահա դասագրքի հղումը՝ <https://fliphtml5.com/fumf/qafu>, էջ 36-47:

Հատվածները ընթերցելուց հետո սովորողների բաժանել առասպելների բնագրերը և հանձնարարել կիրառել «Մտածի՛ր, գույգվի՛ր, քննարկի՛ր» մեթոդական հնարը, որն օգնում է մտածել, կշռադատել կարդացած նյութը: Սովորողները կկարդան բնագրերը և կհամեմատեն դասագրքի նյութի հետ՝ գտնելով նմանություններ և տարբերություններ:

### **Կշռադատման փուլ**

Այս փուլում յուրաքանչյուր խումբ ներկայացնում է իր աշխատանքը՝ եռաթև աղյուսակի ձևով:

Դասագրքի հատվածներ տարբերություն	Նմանություն	Բնագրեր տարբերություն
-------------------------------------	-------------	--------------------------

**Առաջին խումբ՝** «Հայկ և Բել» առասպելի տարբերությունները և նմանությունները՝ ըստ դասագրքի նյութի և բնագրի:

**Երկրորդ խումբ՝** «Արա Գեղցիկ և Շամիրամ» առասպելի տարբերությունները և նմանությունները՝ ըստ դասագրքի նյութի և բնագրի:

**Երրորդ խումբ՝** «Տիգրան և Աժդահակ» առասպելի տարբերությունները և նմանությունները՝ ըստ դասագրքի նյութի և բնագրի:

**Չորրորդ խումբ՝** «Արտաշես և Արտավազդ» առասպելի տարբերությունները և նմանությունները՝ ըստ դասագրքի նյութի և բնագրի:

**Հինգերորդ խումբ՝** «Վահագնի ծնունդը» տարբերությունները և նմանությունները՝ ըստ դասագրքի նյութի և բնագրի:

Երբ խմբերը ներկայացնեն իրենց աշխատանքը կարելի է կատարել փոխադարձ գնահատում: Խմբերը կգնահատեն միմյանց աշխատանքը՝ հիմնավորելով գնահատած միավորը:

Դասի ավարտին գնահատել խմբերի աշխատանքը:

**Տնային աշխատանք:**

. Առասպելներում ներկայացված իրադարձությունները համեմատել պատմական նույն դարաշրջանի հետ՝ բերելով օրինակներ:

. Գտնել և ներկայացնել արվեստի այն կտավները որոնցում ներկայացված են առասպելները՝ նշելով կտավների հեղինակներին:

### **Անդրադարձ**

. Ինչի՞ մասին այսօր մենք խոսեցինք:

. Ի՞նչ նոր բան մենք իմացանք:

. Ի՞նչ դաս քաղեցինք այս առասպելներից և ի՞նչ կարևորեցինք:

## Ուսումնական նյութեր և առաջադրանքներ

### Թեմա 1. Համառոտ ակնարկ հայ գրականության սկզբնավորման վերաբերյալ



Ահա 10-րդ դասարանի դասագրքի նյութի հղումը՝ <https://fliphtml5.com/fumf/qafu>, էջ 4-12: Կարդացե՛ք նյութը և կատարե՛ք առաջադրանքները:

#### Առաջադրանքներ

1. Ներկայացնել տեքստի հիմնական գաղափարը:
2. Թվարկել գրականության շրջափուլերը՝ ներկայացնելով այդ փուլերում ստեղծագործողներին:
- 3 «Վենի դիագրամ»-ով ներկայացնել բանահյուսության և գրականության հիմնական տարբերությունները:
4. Ներայացնել գրերի գյուտի պատմական հիմքերը և ստեղծման անհրաժեշտությունը:



5. Ըստ ժամանակագրության՝ աղյուսակով ներկայացնել միջնադարի նշանավոր դեմքերն և նրանց ծավալած գործունեությունը:
6. Ներկայացնել գրերի գյուտի ստեղծման ժամանակաշրջանը:
7. Ուսումնասիրել և՛ դասանյութը, և՛ տարբեր հավաստի աղբյուրներ՝ ներկայացնելով գրերի գյուտին հաջորդող ժամանակաշրջանը:
8. Ստեղծել սահիկաշար՝ պահպանելով նրան բնորոշ առանձնահատկությունները:
9. Վարել ռադիոհաղորդում՝ ներկայացնելով դասանյութը և պահպանելով նրան բնորոշ առանձնահատկությունները:

## Թեմա 2. Կորյունի «Վարք Մաշտոցի» երկը, գրերի գյուտը



Ահա 10-րդ դասարանի դասագրքի նյութի հղումը՝ <https://fliphtml5.com/fumf/qafu>, էջ 13-17:

Կարդացե՛ք Կորյունի «Վարք Մաշտոցի» երկը և կատարե՛ք առաջադրանքները:

Կորյունի «Վարք Մաշտոցի» երկը հետևյալ հղմամբ կարող եք և՛ կարդալ, և՛ լսել աուդիո տարբերակով: Ահա հղումը՝ <https://grqaser.org/am/441/>

### Առաջադրանքներ

1. Ստեղծագործաբար վերաշարադրե՛ք «Վարք Մաշտոցի» երկի բովանդակությունը՝ կիրառելով հեղինակի օգտագործած արտահայտչամիջոցները:
2. Կարդացե՛ք բնագիրը և դուրս գրե՛ք Մաշտոցին բնութագրող տողերը:
3. Ըստ բնագրի վերլուծել պատմական իրադարձությունները՝ բերելով օրինակներ:
4. Վերլուծե՛ք գրերի գյուտը պատմության համատեքստում:
5. Գնահատե՛ք Մեսրոպ Մաշտոցի ծավալած գործունեությունը որպես ականատես:
6. Կորյունի երկի հիման վրա ներկայացնել Մաշտոցի կյանքը:

7. Համացանցից օգտվելով գտե՛ք «Վարք Մաշտոցի» երկին վերաբերող գեղանկարչական, երաժշտական ստեղծագործություններ:
8. Պատրաստե՛ք տեսադաս կամ սահիկահանդես «Հայոց այբուբենի գաղտնիքները» վերնագրով:
9. Համեմատե՛ք հայկական մշակույթը գրերի գյուտից առաջ և հետո՝ ներկայացնելով օրինակներ:
10. Համացանցում որոնել և գտնել Մաշտոցի կերպարին անդրադարձած հայ գրողների ստեղծագործություններ և բնութագրել:
11. Տեղեկատվական տարբեր աղբյուրներից գրերի գյուտին նվիրված նյութեր որոնել և ուսումնասիրել:

### Թեմա 3. Հայ պատմագրություն: 5-րդ դարի պատմիչներ



Ահա 10-րդ դասարանի դասագրքի նյութի հղումը՝ <https://fliphtml5.com/fumf/qafu>, էջ 18-26:  
Ագաթանգեղոսի, Փավստոս Բուզանդի, Ղազար Փարպեցու «Պատմություն» գրերը, ինչպես նաև «Վարդանի և հայոց պատերազմի» աշխատությունը:

Կարդացե՛ք ոսկեդարի պատմիչների աշխատությունները և կատարե՛ք առաջադրանքները:

#### Առաջադրանքներ

1. Ներկայացրե՛ք պատմիչների կենսագրությունները և գործունեությունները՝ ըստ փաստերի և հուշագրության:
2. Ստեղծագործաբար վերաշարադրե՛ք ոսկեդարի պատմիչների երկի բովանդակությունը՝ կիրառելով հեղինակի օգտագործած արտահայտչամիջոցները:

2. Ըստ բնագրի վերլուծել պատմական իրադարձությունները, հեղինակի արծարծած խնդիրները՝ բերելով օրինակներ:
3. Գնահատել՝ ք գրող-քաղաքացու կատարած աշխատանք՝ որպես ինքնաճանաչման և ազգային արժեքների պահպանում՝ բերելով փաստեր:
4. Համացանցից օգտվելով գտել՝ ք պատմիչների երկերին վերաբերող գեղանկարչական, երաժշտական ստեղծագործություններ
5. Բնագրից դու՛րս գրեք այն լեզվաոճական միջոցները, որոնցով պատմիչները իրենց պատմությունները դարձրել են ազդեցիկ:
6. Բնագրից դու՛րս գրեք բնապատկերները:
7. Սահիկաշարով ներկայացնել յուրքանչուր պատմիչի աշխատության կառուցվածքը, յուրաքանչյուր գլխում ներկայացված իրողությունները:
8. Համեմատել գեղարվեստական երկում ներկայացված իրադարձությունները և նույն ժամանակաշրջանի պատմական իրադարձությունները:
9. Ազաթանգեղոսի պատմությունից կարդալ Անակի, Խոսրովի Գրիգոր Լուսավորչի և Տրդատի, Հռիփսիմյանց կույսերի հետ կապված դրվագներից հատվածներ՝ ցույց տալով ստեղծագործության հատկանիշները:
10. Բուզանդի պատմությունից դուրս գրեք այն հատվածները, որտեղ կան Արշակ թագավորի, Վասակ սպարապետի, Մուշեղի, Պապի, Փառանձեմ թագուհու կերպարների բնութագրումները:
11. Թվարկել Բուզանդի պատմության կերպարներից որոնք են հանդես գալիս ուրիշ պատմական վեպերում:
12. Ընթերցել Եղիշեի մատյանի՝ Ավարայրի նկարագրությունը և Հայոց աշխարհի փափկասուն տիկիներին նվիրված հատվածը՝ պատմագրի ոճի հատկանիշները:
13. Եղիշեի մատյանի ներածությունից գտնել և դուրս գրել այն հատվածը, որտեղ Եղիշեն գնահատում է երկի նշանակությունը:
14. Փարպեցու գրքից կարդալ Արարատ գավառի նկարագրությունը և ցույց տալ, թե ինչպես է դրսևորվում հեղինակի հայրենասիրությունը:

Թեմա 4. Մովսես Խորենացու կյանքը, ապրած ժամանակաշրջանը, «Հայոց պատմություն» երկի ընդհանուր բնութագիրը



Կարդացե՛ք Մովսես Խորենացի, «Հայոց պատմություն» թեմաներին վերաբերող նյութը դասագրքից:

10-րդ դասարանի դասագրքի նյութի հղումը՝ <https://fliphtml5.com/fumf/qafu>, էջ 27-35:

Կարդացե՛ք Մ. Խորենացու «Հայոց պատմություն» աշխատությունը, ահա գրքի հղումը՝ <http://ijevanlib.yzu.am/wp-content/uploads/2018/01/Movses-Khorenaci.pdf> կամ ունկդրեք գրքի աուդիո տարբերակները և կատարեք առաջադրանքները:

Ահա աուդիո տարբերակների հղումները՝ ըստ մասերի՝

«Հայոց պատմություն» 1-ին մաս՝ <https://www.youtube.com/watch?v=ombDNsX3jJQ>

«Հայոց պատմություն» 2-րդ մաս՝ <https://www.youtube.com/watch?v=WMG7Wyr0Tc>

«Հայոց պատմություն» 3-րդ մաս՝ <https://www.youtube.com/watch?v=KzQLpiSS2fY>

«Հայոց պատմություն» 4-րդ մաս՝ [https://www.youtube.com/watch?v=Wv\\_thpTxytY](https://www.youtube.com/watch?v=Wv_thpTxytY)

Կարող եք դիտել Խորենացու մասին հետաքրքիր տեսանյութ. ահա հղումը՝ <https://www.youtube.com/watch?v=zd-p8TH7cIA>

## **Առաջադրանքներ**


1. Կազմել գրողի գրական դիմանկարը՝ ըստ կենսագրական տեղեկությունների և ժամանակակիցների հուշերի:
2. Սահիկաշարով ներկայացնել աշխատության կառուցվածքը՝ գրելով յուրաքանչյուր հատվածի մեջ հեղինակի արծարծած խնդիրները:
3. Ներկայացնել Մովսես Խորենացու կենսագրությունը և գործունեությունը՝ ըստ փաստերի և հուշագրության:
4. Մեկնաբանել՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին՝ բերելով օրինակներ:
5. «Վենի դիագրամ»-ով ներկայացնել կերպարների համեմատական բնութագիրը:
6. Վերլուծել գրողի կիրառած ոճական միջոցների ազդեցությունը ընթերցողի զգացմունքների վրա՝ բերելով օրինակներ,
7. Վերլուծել և ներկայացնել՝ ինչո՞վ է Մ. Խորենացու «Հայոց պատմությունը» տարբերվում մյուս պատմիչների երկերից՝ օրինակով ցույց տալ տարբերությունները:
8. Գտնել և ներկայացնել հայ գրողներից ովքե՞ր են իրենց գրական երկերի նյութը քաղել Խորենացուց:
9. Կարդալ բնագիրը և դուրս գրել այն հատվածները, որտեղ ներկայացվում է գրողի ապրած ժամանակաշրջանը:
10. Ապացուցել աշխատության արդիականությունը՝ բերելով օրինակներ:
11. Օգտվելով բնագրերից՝ համեմատել՝ ինչպես են գրերի գյուտը նկարագրում Կորյունը և Մովսես Խորենացին:
12. Օգտվելով բնագրերից՝ համեմատել՝ ինչպես են նկարագրում գրերի գյուտից հետո սկսված թարգմանական լուսավորական աշխատանքները Կորյունը և Մովսես Խորենացին:
13. Օրինակներով ներկայացնել Խորենացու լեզվի և ոճի առանձնահատկությունները:
14. Ստեղծել հաղորդում «Զրույց Մովսես Խորենացու հետ» թեմայով՝ պահպանելով հարցազրույցի կանոնները և կառուցվածքը:
15. Խորենացու պատմագիտական հայացքների մասին գիտական ոճով շարադրանք գրել:

16. Խորենացու պատմությունից կարդալ այն հատվածները, որտեղ նկարագրվում են Երվանդակերտ քաղաքը և Ձիրավի ճակատամարտը և ցույց տալ, թե ինչ միջոցներով է պատմիչը հասնում խոսքի պատկերավորությանը:

17. Խորենացու պատմությունից դուրս գրել ասույթներ:



## Դասի թեման 5. Մովսես Խորենացի, Առասպել



Կարդացե՛ք Մովսես Խորենացու առասպելների մասին նյութը դասագրքից:

10-րդ դասարանի դասագրքի նյութի հղումը՝ <https://fliphtml5.com/fumf/qafu>, էջ 36-35:

Կարդացե՛ք Մ. Խորենացու «Հայոց պատմություն» աշխատությունից առասպելները, ահա գրքի հղումը՝ <http://ijevanlib.ysu.am/wp-content/uploads/2018/01/Movses-Khorenaci.pdf> և կատարեք առաջադրանքները:

### Առաջադրանքներ

1. Վերլուծել առասպելներում առկա կոնֆլիկտները և հեղինակի առաջարկած լուծումները՝ բերելով օրինակներ,
2. Բացատրել՝ ինչու և ինչպես է գրողը ներկայացնում տվյալ ժամանակաշրջանը, միջավայրը և կերպարներին՝ հիմնավորելով օրինակներով:

3. «Վեննի դիագրամ»-ով ներկայացնել կերպարների համեմատական բնութագիրը, նրանց վարքագիծը:
4. Վերլուծել գրողի կիրառած ոճական միջոցների ազդեցությունը ընթերցողի զգացմունքների վրա՝ ներկայացնել բնագրային օրինակներ:
5. Արժևորել հեղինակի կատարած դերը ազգային մշակութային արժեքների պահպանման գործում՝ օրինակներով հիմնավորելով մեկնաբանությունը:
6. Առասպելներում ներկայացված իրադարձությունները համեմատել պատմական նույն դարաշրջանի հետ՝ բերելով օրինակներ:
7. Գտնել և ներկայացնել արվեստի այն կտավները որոնցում ներկայացված են առասպելները՝ նշելով կտավների հեղինակներին:
8. Թվարկել՝ ում միջոցով են առասպելները հասել մեզ: